

p. 643【**頓奪其壽**】《太上感應篇》：「禍福無門。惟人自召。善惡之報。如影隨形。是以天地有司過之神。依人所犯輕重。以奪人算。算減則貧耗。多逢憂患。人皆惡之。刑禍隨之。吉慶避之。惡星災之。算盡則死。又有三台北斗神君。在人頭上。錄人罪惡。奪其紀算。…司命隨其輕重。奪其紀算。算盡則死。死有餘責。乃殃及子孫。」「算」，壽算，壽命，年壽。淨空和尚：「算就是數，壽命是數，你一生所得的福祿也是數。」「算」在中國一般的講法是一百天。你造了大的惡事，奪算，奪一算就是一百天，一紀是十二年。所以有大善可以延壽，有大惡會減壽。」悟道法師：「算減，就是說你的福報減少，福祿被司過之神奪了。一個人的算如果減少了，他就出現「貧耗」的現象，不但年壽、壽命減短，而且會導致貧困、損耗，就是在生活上賺不到錢，或賺得不順利，不然就是有很多事情來損失他的財物，這就是福報一直減少了。」

p. 655 line 6【**漢吳譯**】《佛說無量清淨平等覺經》卷3：「佛言：「其中輩者，其人願欲往生無量清淨佛國，…其人壽欲盡時，無量清淨佛則化令其人自見無量清淨佛及國土，往生無量清淨佛國者可得智慧勇猛。」佛言：「其人奉行施與如是者，若其然後中復悔，心中狐疑，不信分檀布施作諸善後世得其福、不信有無量清淨佛國、不信往生其國中，…其人壽命終盡則生無量清淨佛國，不能得前至無量清淨佛所，便道見無量清淨佛國界邊自然七寶城，心中便大歡喜。道止其城中，則於七寶水池蓮華中化生，則受身自然長大，在城中於是間五百歲。」(T12,p.292,a5-b1)「其三輩者，其人願欲生無量清淨佛國，…當一心念欲生無量清淨佛國，晝夜十日不斷絕者，壽終則往生無量清淨佛國，可復尊極，智慧勇猛。」佛言：「其人作是已後，若復中作悔心，意用狐疑，不信作善後世當得其福、不信往生無量清淨佛國，其人雖爾續得往生。其人壽命病欲終時，無量清淨佛則令其人於臥睡夢中見無量清淨佛國土，其人心中歡喜，意自念言：『我悔不知益作善，今當生無量清淨佛國。』其人但心念是，口不能復言，則自悔過。悔過者過差減少，悔者無所復及。其人命終則生無量清淨佛國，不能得前至，便道見二千里七寶城，心中獨歡喜，便止其中。復於七寶水池蓮華中化生，則自然長大。其城亦復如前城法，比第二忉利天上自然之物。其人亦復於城中五百歲，五百歲竟乃

得出。」(T12,p.292,b29-c19)《佛說阿彌陀三耶三佛薩樓佛檀過度人道經》卷2：「佛言：「其中輩者，…便道見阿彌陀佛國界邊自然七寶城中，心便大歡喜，便止其城中。即於七寶水池蓮華中化生，則受身自然長大。」(T12,p.310, a15-b10)「其三輩者，…其人命終，即生阿彌陀佛國。不能得前至，便道見二千里七寶城中，心獨歡喜，便止其中。……其人亦復於城中，五百歲竟乃得出。至阿彌陀佛所，心中大喜。」(T12,p.310,c10-p.311,a1)

p. 656 line 1【明誨】《佛說無量壽經》卷2：「彌勒白佛：「受佛重誨，專精修學，如教奉行，不敢有疑。」(T12,p.275,c15-16)《佛說無量清淨平等覺經》卷3：「阿逸菩薩言：「受佛嚴明重教，皆當精進一心求索，請奉行之，不敢疑怠。」(T12,p.295,b11-13)【吳譯】經文全同(T12,p.313,b23-25)

◎濁世惡苦第三十五

- 1.此品廣明濁世惡苦。惡者五惡（惡因），苦者五痛（華報）、五燒（果報）。勸令捨惡行善，離苦得樂。
- 2.首標殺生惡及惡果。次明欺盜惡、惡果。三明婬惡以及因婬惡而引起之貪瞋等惡。四明妄語等口業之惡過果報。五廣明飲酒惡及意業三惡，合為第五。
- 3.如是「善惡報應，禍福相承，身自當之，無誰代者。」若不肯信行，「自有三途無量苦惱，輾轉其中，累劫難出，痛不可言。」故應翻轉五惡成五善，應「自於其中一心制意，端身正念。言行相副，所作至誠。獨作諸善，不為眾惡。」如此便可「身獨度脫，獲其福德，可得長壽泥洹之道。」

p. 656【雪廬老人眉註】「佛贊奉行」。「映前如教奉行」。「難化能化故佛德大；難修能修故到果速成」。

p. 657 line 4【華報果報】華開在結實之前，故「華報」乃對後得之「果報」而言。譬如人為獲得果實而植樹，除正得其果實之外，兼可得華，是為華報。眾生植善惡之業因，由此業因正得之果為果報（又作實報、正報），果報之前所兼得者，則稱為華報。如以不殺為業因，因之而得長壽，是為華報；遠感涅槃之果，是為果報。～《佛光大辭典》

【十惡業果報】《大方廣佛華嚴經》卷35〈26 十地品〉：「十不善業道，

上者地獄因，中者畜生因，下者餓鬼因。於中，殺生之罪能令眾生墮於地獄、畜生、餓鬼；若生人中，得二種果報，一者短命，二者多病。偷盜之罪亦令眾生墮三惡道；若生人中，得二種果報，一者貧窮，二者共財不得自在。邪淫之罪亦令眾生墮三惡道；若生人中，得二種果報，一者妻不貞良，二者不得隨意眷屬。

妄語之罪亦令眾生墮三惡道；若生人中，得二種果報，一者多被誹謗，二者為他所誑。兩舌之罪亦令眾生墮三惡道；若生人中，得二種果報，一者眷屬乖離，二者親族弊惡。惡口之罪亦令眾生墮三惡道；若生人中，得二種果報，一者常聞惡聲，二者言多諍訟。綺語之罪亦令眾生墮三惡道；若生人中，得二種果報，一者言無人受，二者語不明了。

貪欲之罪亦令眾生墮三惡道；若生人中，得二種果報，一者心不知足，二者多欲無厭。瞋恚之罪亦令眾生墮三惡道；若生人中，得二種果報，一者常被他人求其長短，二者恒被於他之所惱害。邪見之罪亦令眾生墮三惡道；若生人中，得二種果報，一者生邪見家，二者其心諂曲。』

佛子！十不善業道能生此等無量無邊眾大苦聚，是故菩薩作如是念：『我當遠離十不善道，以十善道為法園苑，愛樂安住，自住其中，亦勸他人令住其中。』(T10, p. 185, c16-p. 186, a12)

《瑜伽師地論》卷 60：「若於殺生親近數習多所作故。生那落迦。是名殺生異熟果。若從彼沒，來生此間人同分中。壽量短促。是名殺生等流果。於外所得器世界中。飲食果藥皆少光澤勢力。異熟及與威德並皆微劣。消變不平。生長疾病。由此因緣無量有情未盡壽量、非時中天。是名殺生增上果。所餘業道。異熟、等流二果差別。如經應知。增上果今當說。若器世間眾果尠少。果不滋長，果多朽壞。果不貞實，多無雨澤。諸果乾枯，或全無果。如是一切名不與取增上果。若器世間多諸便穢、泥糞不淨。臭處迫迮、多生不淨臭惡之物。凡諸所有皆不可樂。如是一切名欲邪行增上果。若器世間農作行船。世俗事業不甚滋息。殊少便宜、多不諧偶。饒諸怖畏、恐懼因緣。如是一切是妄語增上果。若器世間其地處所。丘坑間隔，險阻難行。饒諸怖畏、恐懼因緣。如是一切是離間語增上果。若器世間其地處所。多諸株杌、荊棘、毒刺、瓦石、沙礫、枯槁。無潤無有池沼，河泉乾竭。土田鹹鹵、丘陵坑險。

饒諸怖畏、恐懼因緣。如是一切是麤惡語增上果。若器世間所有果樹，果無的當。非時結實、時不結實、生而似熟。根不堅牢、勢不久停。園林池沼多不可樂。饒諸怖畏恐懼因緣。如是一切是綺語增上果。若器世間一切盛事，年時日夜月半月等，漸漸衰微。所有氣味唯減不增。如是一切是貪欲增上果。若器世間多諸疫癘、災橫、擾惱、怨敵、驚怖、師子虎狼。雜惡禽獸。蟒蛇蝮蝎蚰蜒。百足魍魎藥叉諸惡賊等。如是一切是瞋恚增上果。若器世間所有第一勝妙華果悉皆隱沒。諸不淨物乍似清淨。諸苦惱物乍似安樂。非安居所、非救護所、非歸依所。如是一切是邪見增上果。」(T30, p. 633, b27-p. 634, a2)

p. 659 line 1【太賢】唐代法相宗學僧，朝鮮新羅人。號青丘沙門，亦作大賢。壯歲來唐，依西明寺「道證」學唯識。著作甚多，撰有《古迹記》等四十餘種，不拘門戶，力持平允，為世崇敬。後歸國傳慈恩之學，時人譽之為海東瑜伽祖。嘗於其國景德王十二年（753）在大內誦經祈雨，後不知所終，寂年與世壽均不詳。～《佛光大辭典》《梵網經古跡記》卷2：「世間所畏。死苦為窮。損他之中。無過奪命。如智論云。設滿世界寶無有直身命。…如瑜伽云。若問菩薩以何為體。應正答云大悲為體。由此最初制斯戒也。」(T40, p. 703, b22-26)

p. 665 line -3【華嚴經】《大方廣佛華嚴經》卷44〈34 入法界品〉：「如人從生，有二種天，常隨侍衛，一曰同生，二曰同名，天常見人，人不見天。如來神變，亦復如是，非諸聲聞所能知見，唯諸菩薩乃能覩見。」(T09, no. 278, p. 680, b29-c4)《華嚴經隨疏演義鈔》卷19：「同生同名者。謂左右肩童子。」(T36, p. 149, b10)吉藏《無量壽經義疏》卷1：「神明記識者。名藉先定不蹉跌也。一切眾生皆有二神。一名同生。二名同名。同生女在右肩上書其作惡。同名男在左肩上書其作善。」(T37, p. 124, a29-b3)

p. 665 line -1【藥師經】《藥師琉璃光如來本願功德經》卷1：「有諸眾生，為種種患之所困厄，長病羸瘦，不能飲食，喉脣乾燥，見諸方暗，死相現前；父母、親屬、朋友、知識，啼泣圍繞。然彼自身，臥在本處，見琰魔法使，引其神識，至于琰魔法王之前；然諸有情，有俱生神，隨其所作，若罪若福，皆具書之，盡持授與琰魔法王。爾時，彼王推問其人，算計所作，隨其罪福而處斷之。」(T14, p. 407, b12-19)